

Na temelju tačke IV. Odluke o usvajanju Programa utroška sredstava s kriterijima raspodjele sredstava Tekućih transfera utvrđenih Proračunom Federacije Bosne i Hercegovine za 2017. godinu Federalnom ministarstvu razvoja, poduzetništva i obrta („Službene novine Federacije BiH“, broj 16/17) i člana 5. Pravilnika o postupcima u provođenju programa razvoja male privrede („Službene novine Federacije BiH“, br.: 50/13, 55/13 isp. i 86/13), Federalno ministarstvo razvoja, poduzetništva i obrta raspisuje

JAVNI KONKURS

za odabir korisnika grant sheme „Jačanje konkurentnosti malih i srednjih preduzeća (MSP)“ za 2017. godinu

I. PREDMET KONKURSA

Federalno ministarstvo razvoja, poduzetništva i obrta (FMRPO) raspisuje Javni konkurs za odabir korisnika grant sheme „Jačanje konkurentnosti malih i srednjih preduzeća (MSP)“ kroz tehnološku modernizaciju poslovnih procesa, podršku procesu uvođenja međunarodnih standarda i sistema kvaliteta, unapređenje znanja i vještina zaposlenih, promociju izvoznih potencijala i pristupa novim tržištima.

Kroz grant shemu pruža se podrška MSP, koji djeluju u prioritetnim oblastima (obrada drveta, obrada metala, obrada tekstila, obuće i kože, obrada plastike, prehrambena industrija, informacione tehnologije) kako bi realizirali: **i) investicije usmjerene ka poboljšanju tehnološke opremljenosti, ii) programe obuke radne snage i iii) unaprijedili pristup tržištu, odnosno promovirali proizvode na tržištima** a u cilju podizanja konkurentnosti MSP.

II. KORISNICI SREDSTAVA

Korisnici sredstava grant sheme su privredna društva (d.o.o. i d.d.) shodno Zakonu o poticanju razvoja male privrede, koji imaju sjedište na području Federacije Bosne i Hercegovine, nalaze se u većinskom privatnom vlasništvu državljana Bosne i Hercegovine, posluju najmanje godinu dana, imaju pozitivno poslovanje u 2016. godini, te imaju najmanje 5 (pet) zaposlenih na neodređeno vrijeme na dan 31.03.2017, unutar područja Klasifikacije djelatnosti KDBiH 2010 ("Službeni glasnik BiH", broj 47/10) definiranih u Smjernicama za podnosiocima prijave.

Korisnici poticajnih grant sredstava od strane ovog Ministarstva iz 2016. godine ne mogu koristiti sredstva ove grant sheme u 2017. godini, kao ni oni subjekti male privrede koji nisu opravdali prethodno dobivena poticajna sredstva FMRPO. Korisnici koji koriste grant sredstva FMRPO po programima sa bankama, nemaju pravo učešća u javnom konkursu do izvršenja ugovora koji su zaključili sa bankama.

III. KRITERIJI ZA IZBOR KORISNIKA SREDSTAVA

Izbor korisnika sredstava grant sheme će se vršiti na osnovu namjene ulaganja sredstava; izvora-načina finansiranja; orijentiranosti izvozu MSP; povećanja zaposlenosti u MSP; broja zaposlenih u MSP; pripadnosti ciljnoj skupini; ravnomjernijeg regionalnog razvoja; dosadašnjih poticaja od strane FMRPO a na osnovu obaveznih i dodatnih kriterija iz Smjernica za podnosiocje prijava.

IV. VRIJEDNOST POJEDINAČNIH PROJEKATA

Finansijski doprinos grant sheme po pojedinačnom projektu s kojim se MSP prijavljuje ne može biti viši od 65.000 KM. Sufinansiranje od strane MSP koje se prijavljuje za bespovratna sredstva iz grant sheme je minimalno 50% od ukupne vrijednosti projekta. Ukupno trajanje projekta ne može prelaziti 8 (osam) mjeseci od datuma potpisivanja Ugovora.

V. NAČIN PODNOŠENJA PRIJAVA

Podnosioci prijava pripremaju svoje prijedloge u skladu sa Smjernicama za podnosiocje prijava i prijavnim paketom, koji su dostupni na internet stranici FMRPO (<http://www.fmrpo.gov.ba>).

Popunjen obrazac projektnog prijedloga s pratećom dokumentacijom dostaviti u **originalnom primjerku** A4 formata i **uvezano, te jedan elektronski primjerak** snimljen na USB stiku.

Krajnji rok za podnošenje prijava je petak **05.05. 2017. godine**, što potvrđuje datum na otpremnici, poštanski žig ili priznanica. Prijave se ne mogu dostaviti lično. Prijave podnesene nakon isteka roka se neće uzeti u razmatranje. Naknadne dopune projektnog prijedloga, objašnjenja, obrazloženja i sl. dostavljeni nakon isteka roka se neće uzimati u obzir.

Prijave moraju biti dostavljene u zatvorenoj koverti preporučenom poštom na sljedeću adresu:

**Federalno ministarstvo razvoja, poduzetništva i obrta
Ulica Ante Starčevića b.b. (Hotel "ERO")
88 000 Mostar**

s naznakom:

Ne otvarati – po Javnom konkursu za odabir korisnika grant sheme „Jačanje konkurentnosti malih I srednjih preduzeća (MSP)“

Na poleđini koverta obvezno navesti:

- **naziv subjekta;**
- **adresu i kontakt telefon;**

- **ovjeriti pečatom.**

Projektne prijedlozi dostavljeni drugim putem (npr. putem faksa ili email-a), neće biti uzeti u razmatranje.

VI. EVALUACIJA I ODABIR PROJEKTNIH PRIJEDLOGA

Evaluacija i odabir dostavljenih projektnih prijedloga će se vršiti u skladu s kriterijima i procedurom koji su utvrđeni u Smjernicama za podnosiocima prijava.

Nakon obrade dostavljenih projektnih prijedloga FMRPO će objaviti rezultate Javnog konkursa u "Službenim novinama Federacije BiH" i na internet stranici FMRPO, a podnosioci prijava se neće pojedinačno obavještavati.

VII. DODATNE INFORMACIJE ZA PODNOSIOCE PRIJAVA

*Sva dodatna pitanja u vezi ovog Javnog konkursa se mogu dostaviti putem elektronske pošte, najkasnije u roku od **7 dana** prije isteka roka za podnošenje prijava, sa jasno naznačenim nazivom konkursa u predmetu poruke, i to na sljedeću e-mail adresu: grant2017@fmrpo.gov.ba.*

Svi odgovori na pitanja koja mogu biti relevantna i za ostale podnosiocima prijava, redovno će se objavljivati na web stranici FMRPO: <http://www.fmrpo.gov.ba>.

FMRPO će organizirati informativne dane za sve zainteresovane MSP. Termini i lokacije održavanja informativnih dana bit će objavljeni na web stranici FMRPO: <http://www.fmrpo.gov.ba>.